

Na osnovu člana 8. zakona o ministarskim, vladinim i drugim imenovanjima Federacije Bosne i Hercegovine ("Službene novine federacije Bosne i Hercegovine", broj: 12/03 i 34/03), član 105. stav 2. Zakona o zdravstvenom osiguranju ("Službene novine federacije Bosne i Hercegovine", broj: 30/97 , 7/02 ,70/08), Ministarstvo za socijalnu politiku, zdravstvo, raseljena lica i izbjeglice Bosansko- podrinjskog kantona Goražde, objavljuje:

JAVNI OGLAS
za izbor i imenovanje Direktora Zavoda zdravstvenog osiguranja
Bosansko-podrinjskog kantona Goražde

1. Oglašava se upražnjena pozicija:

- **Direktor Zavoda zdravstvenog osiguranja Bosansko-podrinjskog kantona Goražde**

2. OPIS UPRAŽNJENE POZICIJE

Direktor:

organizuje rad i poslovanje Kantonalnog zavoda zdravstvenog osiguranja, kao i provođenje dogovora, sporazuma i ugovora koje je Kantonalni zavod zaključio ili im pristupio, zastupa i predstavlja Zavod prema trećim licima, odgovara za zakonitost rada Zavoda, stara se o blagovremenom obezbjeđenju finansijskih sredstava, njihovoj namjenskoj upotrebi i zakonitom, pravilnom i blagovremenom ostvarivanju prava osiguranih lica, daje naloge za pozajmice i izvršavanje Finansijskog plana Kantonalnog zavoda zdravstvenog osiguranja i drugih akata Upravnog odbora, rukovodi radom Stručne službe i donosi stručna uputstva i smjernice u cilju zakonitog, pravilnog i blagovremenog obavljanja poslova, stara se o pripremi svih akata i materijala čija je izrada u djelokrugu Kantonalnog zavoda zdravstvenog osiguranja, stara se o ostvarivanju javnosti rada i sl. rješava o pravima iz obaveznog zdravstvenog osiguranja, stara se o pripremi sjednica Upravnog odbora i komisija, te sprovodi i organizuje izvršavanje odluke i zaključaka istih, odobrava, nabavku materijala i drugih sredstava potrebnih za rad Stručne službe, te odlučuje o investicijskom i tekućem održavanju , kao i o nabavci osnovnih sredstava, utvrđuje organizaciju i sistematizaciju radnih mjesta Stručne službe i donosi Pravilnik o određivanju koeficijenta za utvrđivanje plaća uposlenika Zavoda, postavlja radnike, razrješava ih dužnosti i odgovara za njihov stručni rad, te odlučuje o drugim pravima i odgovornostima radnika u skladu sa važećim propisima, izvršava plan raspodjele finansijskih sredstava, vrši i druge poslove koji su Zakonom, podzakonskim aktima, Statutom i drugim općim aktima stavljani u njegovu nadležnost.

3. MANDAT

Mandat Direktora traje četiri (4) godine, uz mogućnost ponovnog imenovanja.

4. OPĆI UVJETI

Kandidat za poziciju Direktora Kantonalnog zavoda zdravstvenog osiguranja dužan je ispunjavati slijedeće uvjete:

- da je državljanin Bosne i Hercegovine (uvjerenje o državljanstvu, ne starije od šest mjeseci)
- da je stariji od 18 godina (rodni list, ne stariji od 6 mjeseci)
- da nije otpušten iz državne službe kao rezultat disciplinske mjere na bilo kom nivou u Bosni i Hercegovini u periodu od 3 godine prije dana objavljivanja upražnjene pozicije (ovjerenja izjava)
- da se na njega ne odnosi član IX. 1. ustava Bosne i Hercegovine (ovjerenja izjava)
- da nema privatni finansijski interes u Zavodu (ovjerenja izjava)
- da nije osuđivan za krivično djelo i privredni prestup nespojiv sa dužnošću direktora (uvjerenje ne starije od tri mjeseca – Općinski i Kantonalni sud)

5. POSEBNI UVJETI

Pored uvjeta iz tačke 4. Oglasa, kandidat mora ispunjavati i slijedeće uvjete:

- da ima završen VII stepen stručne spreme: ekonomskog, pravnog ili zdravstvenog usmjerenja (ovjerenja kopija diplome)
- da ima najmanje tri godine radnog iskustva na poslovima svog stručnog zvanja (uvjerenje o radnom iskustvu)

- da posjeduje stručno znanje iz djelatnosti Zavoda zdravstvenog osiguranja, te da je upućen u sadržaj i način njegovog rada (ovjerena izjava)

6. OSTALI UVJETI

Prilikom procjene kvalifikacija i iskustva kandidata, u obzir će se uzeti i sljedeće:

- sposobnost za savjesno i odgovorno obavljanje poslova
- organizacijske i komunikacijske sposobnosti

7. POTREBNA DOKUMENTA

Uz prijavu na Javni oglas, kandidati su dužni dostaviti dokaze o ispunjavanju općih i posebnih uvjeta kao i podatke o kretanju u službi.

8. PODNOŠENJE PRIJAVE

Javni oglas ostaje otvoren 15 /petnaest / dana od dana objavljivanja u listu „Dnevni avaz“ od 06.06.2011.godine.

Prijave sa traženom dokumentacijom, lično ili putem pošte, dostaviti na adresu:

**Ministarstvo za socijalnu politiku, zdravstvo, raseljena lica i izbjeglice
Goražde, Višegradska 2a.**

Sa naznakom: Prijava na javni oglas za izbor i imenovanje Direktora Zavoda zdravstvenog osiguranja Bosansko-podrinjskog kantona Goražde

Neblagovremene i nepotpune prijave neće se uzeti u razmatranje. Kandidati koji budu stavljeni na listu sa užim izborom bit će pozvani na intervju pred komisijom. Podnosioci prijava sa kojima se ne stupi u kontakt u roku od 15 dana, a nakon roka za podnošenje prijava neće biti uzeti u razmatranje u daljem procesu imenovanja. Sve dodatne informacije možete dobiti na službenoj web.stranici Vlade BPK-a Goražde: www.bpkgo.ba, Oglasnoj ploči BPK-a Goražde ili direktno na kontakt telefon: 038/228-439.

**Ministarstvo za socijalnu politiku, zdravstvo,
raseljena lica i izbjeglice BPK Goražde**